


الكل

أمين كنجار



ASLANY KONTAL

بِسْمِ اللَّهِ الرَّحْمَنِ الرَّحِيمِ

اکلایا

امین کنجاہی

مجموعہ حقوق محفوظ ہیں

اکلاپا	نام کتاب
امین کجای	شاعر
طیبہ بخاری	مدیر ایڈیٹر
سید صداقت علی شاہ	خصوصی معاون
فن کدہ	خصوصی تعاون
محمد اشفاق ایاز	نظر ثانی
(اسلم کمال)	سرورق
جولائی 2021ء	تاریخ اشاعت
مکتبہ پاک ادب	ناشر
طیب اقبال پرنٹرز	طابع
انس احمد اسماعیل	کمپوزنگ
300	قیمت (پاکستان)
2 ڈالر	قیمت بیرون ملک
ساؤتھ ایشیاء میڈیا سروس (SMS)	تکنیکی معاونت
این ایس ٹیکنالوجیز پرائیویٹ لمیٹڈ	
حماد انصاری ایڈووکیٹ	قانونی مشیر
کتاب منگوانے کا پتہ: 76 E لاہور پولیس کلب ہاؤسنگ سکیم ہرنس پورہ لاہور	
فون: 0308-4277410 = 0321-4270363	

مکتبہ پاک ادب

ایم 42 آئی ٹی ٹاور 73 ای ون حالی روڈ گلبرگ تھری، لاہور

اقتساب

اپنے

اپنے اکلاپے دے ناں

تے

میری آون والیاں

نسلان

دے ناں

فہرست

صفحہ نمبر	نمبر شمار
10	1 پہلی گل
13	2 دل دی گل
15	3 پنجابی نظم
16	4 پنجابی غزل
17	5 جدے نال روح ملدی
18	6 بھلکھے وچ پاچھڈیا ای
19	7 غافل عشق پجاری اے
20	8 مری نس نس دے وچ نسے او
21	9 اسی عشق مجازی کر بیٹھے
22	10 لوکاں کولوں تھک گیاواں
23	11 جد جان میری نکلے گی
25	12 میں رب کولوں اے منگناواں
26	13 کڈھ کے جنداو لے جاوے گا
27	14 اک عرضی
28	15 ہولی ہولی سارے مردے جانے نے
29	16 گھر جا کے کی کرنا انے
30	17 خواباں دے لشکارے اندر
31	18 رب جانے کیہہ ہونا ایں

32	عشق دا دھوکہ کھا کے دیکھاں	19
33	وچھوڑا	20
34	تھیل	21
35	پاٹڑے دھوکے تھک گئی آں	22
36	چیلوگ وئی اوکھے ہوندے	23
37	تے عیش دے رنگ وچ رنگ جاواں	24
38	عیش دا عین	25
39	نہاں نہاں ہس وے	26
40	جھوٹ دا سودا	27
41	اکھاں دے غلافاں وچ	28
42	اے ہس بڑا بے وس	29
43	شاہ عنایت دے درتے	30
44	سازھ کے کولا کر چھڈ یا ای	31
45	دینے دیاں گلیاں	32
46	پہلی ملاقات	33
48	آخراک دن مر جانا اے	34
52	ڈر	35
53	سگریٹ	36
54	جہیاں بول پچیاں	37
55	پولے	38
56	سوہنے لوگ	39

57	اپنا آپ گنوا بیٹھے آں	40
58	ہجر و چھوڑا مکدا نہیں	41
59	دنیا داری	42
60	اکھیاں	43
61	اے دنیا و سوں بار	44
66	چاہ	45
68	دل دا بوہا	46
71	کھوٹ	47
72	سچی گل	48
74	سمندر	49
75	موسم	50
79	سزا	51
83	چھل	52
87	ہار	53
88	مٹی دے بُت	54
89	ورد	55
90	یار	56
91	کتا	57
92	اپنی نفی	58
93	موڑ	59
94	روناں	60

98	روح دا چولا	61
100	قیمت	62
101	دل دا کاسا	63
102	عرضی	64
105	عشق ندی	65
106	کلم کلے	66
107	قضا	67
108	ٹھنڈی چھاں	68

پہلی گل

اپنے متراں تے ویراں لئی پنجاب دی ترقی کنجاہ گجرات تو امین کنجاہی اپنی پہلی پنجابی دی کتاب دے شعری مجموعے دا پر اگلے کے حاضر اے جسدا ناں ”اکلاپا“ اے۔ تے تو اڈے کولوں امید کرنا آں کہ تو انو میرا اے کلام پسند آوے گا۔ اے کلام میں آپ نیں لکھیا، جی گل میں تو انوں دساں اے کلام میرے تے اُتر دا اے انج اُتر دا اے جیوں بڈاں بن کے بارش سکے باغاں نوں تے بوٹیاں نوں ہرا بھر اکر دیندا اے۔ اے کلام جدوں میرے اُتے اُتر دا اے تے مینوں ایویں لگدا اے جیویں میری روح وچ صفائی ہو گئی اے تروتازہ ہو گئی اے اور سوخی تے ستھری ہو گئی اے۔

پنجابی کلام پڑھن تے سنن دامنوں بچپن توں شوق اے۔ تو انوں پتا اے پنجابی لکھنی بڑی اوکھی اے حالانکہ پنجابی ساڈے پنجاب دی ماں بولی زبان اے، اس دے باوجود اسی زیادہ تر کلام سنے، اور کلام وی زیادہ تر سنے میاں محمد بخش دی سیف الملوک سنی اے، مادھو اہل حسین دے، شاہ حسین دی کافیاں سنیاں، بابا بلھے شاہ دا کلام سنیا، وارث شاہ دی ہیر سنی، لوک کہانیاں سنیاں، خواجہ فرید دا کلام ”مینڈا عشق وی توں ایمان وی توں“ سنیا۔

ایہہاں چیزاں نے میرے اندر بچپن توں ہی اک ماحول پیدا کیتا کہ امین توں وی کچھ پنجابی تے لکھ، پنجابی کلام لکھ، شاعری لکھ تے فیر رب نے کرم کیتا کہ میرے جے ماڈے بندے نوں وی اے توفیق عطا فرمائی۔ روحانی طور تے میں پنجابی شاعری تے جے استاد کسے نوں منناں

آں تے میں سمجھناواں کہ میاں محمد بخش صاحب، بٹھے شاہ جی، شاہ حسین تے استاد دامن جیسے لوکاں
توں میں بڑا متاثر ہو یا آں۔

میں کوئی لہنہاں دے بر برداتے نیں آں لیکن اپنے اندرونوں صاف کرن دی کوشش
کرناواں۔ کچھ چیزاں کچھ شعر تو ڈی خدمت وچ سانجھ کرناواں۔

میری لوں لوں دے وچ چیکاں نے، مینوں

تیریاں یار اڈیکاں نے

میرے ویری نہ مینوں مار سکے، مینوں مار یا رل

شریکاں نے

ایک اور شعر تو ڈی خدمت پیش کراں گا:

چاٹی وچ مدانی اوکھی، دل دی میل مکانی اوکھی

اُکھی پیچے لڑ جاندینے، لا کے توڑ نبھانی اوکھی

تے کم کرنا کوئی مشکل نہیں ہوندا پر اوہنوں توڑ نبھانا بڑا مشکل ہوندا اے تے اے میرا
زندگی داکنی وریاں دا خواب سی کہ میں وی اپنا پنجابی کلام گجرات کنجاہ آباد دے حوالے نال پیش
کراں۔ کنجاہ دی زرخیز مٹی وچ ایسے ایسے وڈے لوکی پیدا ہوئے جہاں وچ غنیمت کنجاہی
جیہڑے کہ فارسی دے بہت وڈے شاعر سی پنجاب وچ اونہاں دامنزاراے۔

جناب شریف کنجاہی صاحب ہوراں دا پنجابی دا بہت وڈا ناں اے جہاں نے پنجابی
وچ بڑا گم کیتا، اونہاں دی سوچاں دی پونجی توں لے کے اونہاں دی پنجابی ترجمہ کلام پاک ترجمہ
نظم کیتا اے اونہاں دا بڑا وڈا کارنامہ اے۔

روحی کنجاہی، زوہیب کنجاہی، زمان کنجاہی صاحب، منیر چشتی کنجاہی اور فیروز ارجیا
امین کنجاہی۔ جیہڑا پنجابی شاعری دا اپنا پہلا پراگا تاڈے اگے پیش کر رہیا اے، امید کراں گا کہ
تاتوں پسند آئے گا۔ بس اے رب دی عطا کیتی ہوئی چیزاں نیں میری اپنی کوئی اوقات نہیں، میں
بڑا ماڑا بنداجے۔ ڈاکٹر صغریٰ صدف ہوراں وی ادے وچ میرا ناں بڑا تعاون کیتا، اور مینوں وی

اوہناں تے بڑا مان اے، اونہاں میری بڑی حوصلہ افزائی کیتی۔ باقی میرے جئے اک چھوٹے تے ماڑے انسان تے رب داتے او دے نبی داکرم اے۔

تواڈے دیراں تے متراں ولوں امید کرناں واں کہ تہی اس پنجابی دے کلام نوں پسند کرو گے جسدا ناں ”اکلاپا“ اے کہ میں گھارہ گیا واں تے تہی اک کلاپا لے کے تے مینوں کلیاں نہیں رہن دیو گے مینوں اپنے نال جوڑ لوؤ گے۔ اپنیاں روحاں وچ، اپنے آپ وچ۔

تے میں زیادہ ہو رگل نہیں کرنا چاہندا مینوں اسنہا کجھ آندا وی نہیں اے جو کجھ اے تواڈے سامنے رکھ دتا اے، جیہڑی غلطی خامی ہوئی او میرے کھاتے پادینا اور جیہڑی کوئی اچھائی ہووے اوے میرے رب داکرم اے۔ میری اپنی اوقات ای نہیں اے کہ میں کجھ لکھ سکاں آخر ایچ اے کتاب وچوں اک شعر پیش کرناں واں:

پُچ چیتے مر جاواں گے، آخر اپنے گر جاواں گے

کجے پنڈے عشق سمایاں، اوکھاں پنڈا سُر جاواں گے

عشق تے سٹالا بیٹھے آں، چتے نہ تے بُر جاواں گے

امید کرناں واں تو انوں میری اے پنجابی دی کاوش پسند آوے گی، اے میری روح دیاں گلاں نے جیہڑی میرے اندروں نکلیاں نے، میرے بدن، جسم دے نال اس دا کوئی تعلق نہیں، اے میرے رب دی عطا اے۔ امید کرناں واں تو انوں ”اکلاپا“ پسند آئے گی۔

فقط دعا گو

امین کجھای

دل دی گل

30 توں 35 ورے لنگ گئے مینوں پترکاری (صحافت) کر دے ہو یاں، اس دوران میری ہمیش
توں کوشش رئی کہ

اخباراں وچ لوکاں دی گل اگے لیائی جاوے۔۔۔

ٹی وی چینلز اُتے لوکاں دے دل دی گل سرکاراں اگے رکھی پو۔۔۔۔۔

ریڈیو تے لوکاں دی گل سنائی جاوے۔۔۔۔

اُسی اپنے دل دی گل تے کر ہی نہیں سکدے۔۔۔۔۔

ساڈی گل تے دب جاندی اے یا دبا دتی جاندی اے۔۔۔۔۔

پر کسی نہ کسی طرح لوکاں نال رل مل کے گل بات واسلسلہ جاری ضرور رکھنے آں۔۔۔

تاکہ۔۔۔۔۔ گل چلدی رے۔۔۔۔۔ رُکے نہ۔۔۔۔۔ کہتے نہ کہتے تے ضرور پہنچے گی۔۔۔۔۔

کوئی نہ کوئی تے ضرور سنے گا۔۔۔

کوئی نہ کوئی تے گل دی قدر کرے گا۔۔۔۔۔

کوئی نہ کوئی تے ملے گا جیہڑا گل دامان رکھے گا۔۔۔۔۔

رب دی دھرتی اپنی وی بچر نہیں ہوئی کہ سانوں ایسے بندے ناملدے۔۔۔ سانوں سوہنے رب

نے گل دامان رکھن والے بندے دے تے پرتھوڑے جے۔۔۔۔۔ امین کنجاہی ور گے بندے اونہاں

تھوڑے جے بندیاں وچوں اک نیں۔ سدے، سچے، مچے تے کھرے۔۔۔۔۔ گل سُندے نیں،

گل کبھندے نیں، گل کرن دا ول جاندے نیں، تے گل کران والے دی قدر کرنی وی ادناں نوں

آندی اے۔۔۔۔۔ عام بندے نال عام تے خاص بندے نال خاص بن جان دانیں۔۔۔۔۔

بالکل پانی ورگی طبیعت رکھدے نیں اپنا رنگ چھڈ دے نیں تے دوجے دے رنگ نوں اپنے اندر

لکولیندے نیں۔ وڈا بندہ کلاہی فیصلے کردا اے تے کلاں ای ٹر پیندا اے، فیر جوں رب توفیق تے

ہدایت دیوے او پچھے پچھے یا نال ٹر پیندا اے۔۔۔۔۔ امین کنجاہی وی کھلے ای پیندا اکٹن والے

لوکاں وچوں نیں ”اکلاپا“ ادناں دی کلی سوچ، کلے فیصلے تے کلے سفر دی کہانی اے۔۔۔۔۔ اپنے

آپ نال کیتی جان والی گل بات اے۔۔۔ ایہو جی گل بات جیہڑی رکی نئی۔۔۔ آندی رئی۔۔۔
 چلدی رئی۔۔۔ اوکھدے رے۔۔۔ تے ہُن ٹسی پڑھو۔۔۔ سناؤ تے پنجابیوں نوں دکھاؤ۔۔۔
 مینوں تے امین کنجاہی دا ”اکلاپا“ بڑا سوہنا، سچا، سُچا تے وکھرا لکھا۔۔۔ پنجابی ایسی مٹھی تے
 وکھرے، اُچیا، لوکاں دی بولی اے کہ ایس بولی وچ کجھ دی پیڑا، اکھا، یا بے سووادائی لگدا۔۔۔
 ۔۔۔ ایس بولی دے بولن والے تے لکھت پڑھن والے وی وکھرے ای ہوندے نیں۔۔۔۔۔ امین
 کنجاہی وی وکھرے پنجابی نیں۔۔۔ ایسی واسطے میں اوناں دی افسانیاں تے کہانیاں دی کتاب
 ”عشق آتش“ چھاپی تے ہُن دوجی کتاب ”اکلاپا“ نوں پنجاب دے سپرد کرن دا فیصلہ کیتا۔۔۔
 پہلی گل امین کنجاہی جی نے کیتی سی میں اوناں دی دوجی کتاب چھاپ کے دوجی نہیں ”دل دی گل“
 کیتی اے۔۔۔۔۔ تے مینوں آس امید اے کہ پنجاب تے پنجابیاں نوں ”اکلاپا“ تے میرے دل
 دی گل ضرور پسند آئے گی۔۔۔ ”اکلاپا“ نوں کلے نئی بلکہ کول کول بے کہ پڑھیا جے۔۔۔ تاڈا
 کلاں پن دور ہو جائے گا۔۔۔ اک نئے جہان وچ۔۔۔ اپنے پنجاب وچ۔۔۔ تے اپنی پنجابی
 وچ پونج جاؤ گے۔۔۔ آخر وچ صرف اینا کینا اے کہ

سُنیا تے کروڑاں دا

ویکھیا تے لکھدا

ملیاں تے سودا

والہیہا تے لکھدا

امین کنجاہی نوں سنو گے تے تدوی کروڑاں دے۔۔۔۔۔ ویکھو گے، ملو گے تے تدوی کروڑاں
 دے تے جے تاڈا اوناں نال واپے گا تے تدوی کروڑاں دے ہی رہیں گے۔۔۔۔۔ ایناں
 وچ کوئی کمی یا ردو بدل نہیں آوے گا۔ ”اکلاپا“ وی کروڑاں دا اے تے کروڑاں پنجابیاں واسطے
 اے۔۔۔۔۔ ضرور پڑھیا جے۔۔۔۔۔ رب راکھا

طیبہ بخاری

مدیر / پبلشر ”مکتبہ پاک ادب“

پنجابی نظم

کہیں ورہے ہوئے مینوں بھل بیٹھا
 جنہ بھچیا ایس جہان اندر
 میں اپنا آپ گنوا بیٹھا
 اس مٹی دے خالی مکان اندر
 مال لہدا نہیں جیہڑا وک جاوے
 مینوں دسو کی پاواں دکان اندر
 اکو صادق امین بنایا ای
 نہیں لہدا دوجا قرآن اندر
 اودھے وس نے ایسا بے وس کیتا
 نہیں مکدا میرے شیطان اندر
 تینوں کسے شریک دی لوڑ نہیں سی
 اے کم پایا تو آپ شیطان اندر

پنجابی غزل

جھڈ کے اپنا کر گیاں واں
 سب کچھ اپنا ہر گیا واں
 آپ چناں وچ ڈب کے میں
 عشق دے فر پار گیا واں
 جیون دا اے پینڈا اوکھا
 فر وی بازی مار گیا واں
 یاری دا کوئی مل نہیں ہوندا
 چپ چپتے ہار گیاں واں

جدے نال روح ملدی
 اوہدے نال تو مل جا

بھلیکھے وچ پا جھڈیا ای
 کھڑے لیکھے وچ پا جھڈیا ای

اے	پجاری	عشق	عافل
اے	کھڑاری	عقل	عافل

مری نس نس دے وچ نئے او
 مرے دل دے اندر وسے او
 میں عین عشق دا بھل جاواں
 مینو آکے رستہ دے او

اسی عشق مجازی کر بیٹھے
 اسی دل نوں راضی کر بیٹھے
 اسی لڑی لڑائی نیناں دی
 اسی ہجر نو قاضی کر بیٹھے
 اسی حال وی اپنا ہار دیتا
 اسی یار نوں ماضی کر بیٹھے

لوکاں کولوں تھک گیاں واں
 جیندے جی میں اک گیا واں
 کس دے اگے پردہ چُکاں
 کس نو اپنا درد دکھاواں
 دُنیا کولوں جھک گیا واں

جَد جاں میری نکلے گی

جَد جاں میری نکلے گی

میں سوچتاواں

میں ڈرناواں

میں رب کولوں اے منگناں واں

میرے ہوش حواس وی قائم رہن

جد روح میری جسم تو پرواز کرے

میں اوویلا تکتا چاہتاواں

میں ہوش روے

میں ہوش نہ رہواں

میرے اندر بھانپڑا بلدے رہن

اے رب کولوں میں منگناواں

میرے دل دی دھڑکن جد بند ہووے

میں محسوس کراں میری

جان بدن تو کیویں جاندی اے
 اُس دیس جس دیس دامنوں پتا نہیں
 او دیس میرے لئی پردیس جیہا
 اُس دیس دی وادی وچ جا کے
 سارے اپنے بچناں متراں نوں ملاں
 جیہڑے مینوں چھڈ کے ٹر گئے سن
 میں رب کولوں اے منگناں واں
 مرے دل دی دھڑکن جد رُ کے
 مرے خون دی حرکت بند ہووے
 مرے ساہ نوں ساہ وی جد آوے

میں رب کولوں اے منگنا واں
 میں ہوش حواس دے وچ ہونواں
 مینوں ں اپنی ربا مہلت دئیں
 مینوں جینے دا کوئی شوق نہیں
 اے طے وے آخر مرنا اے

کڈھ کے چند او لے جاوے گا
 خالی بکسہ رہ جاوے گا
 فیر ملاں گے حشر دیہاڑے
 روؤ نہ او کہہ جاوے گا
 جی کے مرنا ، مر کے جینا
 بندہ اے سب سہہ جاوے گا
 کچھ وی مینو راس نہ آیا
 عشق پواڑا پے جاوے گا

اک عرضی

میری چھوٹی جیہی اک عرضی اے
 اے عشق بڑا بے دردی اے
 کچھ تیرے تے نہیں زور میرا
 ہن اگے تیری مرضی اے
 نہیں ہوندی عشق اچ شرط کوئی
 اے رسم دی توں کر لئی اے
 میں بند گلی وچ کلا واں
 تو خلقت کٹھی کر لئی اے
 ہر شرط اے ہن منظور تیری
 ہاں میں دی حامی بھر لئی اے
 نہیں ایس اچ کوئی قصور تیرا
 ہر تہمت اپنے سر لئی اے

ہولی ہولی سارے مردے جاندے نے
 اسماناں دے تارے بن دے جاندے نے
 نیک رُوحاں نوں جلد بلا لیندا اے او
 اللہ جی دے پیارے بن دے جاندے نے
 اسیں وی ہن اڈیک لگا کے بیٹھے ہاں
 ساڈے وا تے لارے بن دے جاندے نے
 عشق نہیں جے کجھ وی چھڈا بندے وچ
 رُوحاں دے وی گارے بن دے جاندے نے

گھر جا کے کی کرنا اے

گھر جا کے کی کرنا اے
 جینا اے نہ مرنا اے
 اپنے آپ تو ڈرنا اے
 کلیاں بہہ کے سڑنا اے
 دل دے وچ مسیت بنا کے
 یار دا کلمہ پڑھنا اے
 کلی جان تے دُکھ ہزاراں
 کس کس دے نال لڑنا اے
 جناں پیچھے گناہ کمائے
 اونہاں کجھ نہیں کرنا اے
 بس اپنی قبرے ورنا اے

خواباں دے لشکارے اندر

خواباں دے لشکارے اندر
 جن دسدا اے تارے اندر
 باج ترے نئی دسدا کوئی
 آوے کون سوارے اندر
 کوئی نہ تن نوں کھولے جاوے
 کنڈیاں تالے مارے اندر
 جد وی ہس کے مل پیندا اے
 آجاناں واں لارے اندر
 نالی دے وچ ڈگی ہوئی سی
 لگی اٹ چو بارے اندر
 رب نے جد کلبوت بنایا
 عشق وی گئیاں گارے اندر

رب جانے کیہ ہونا ایں

جتے دج پروہنا ایں
 رب جانے کیہ ہونا ایں
 اے جندڑی وانگ ملوک میری
 گل سچی روح معشوق میری
 میں گھٹکرو بن کے نچاں گا
 فیر سنے گا بھلا ہوک میری
 اے سارے بہہ کے رو دن گے
 جد نکلے گی جے پھوک میری
 اے دنیا گوئی ڈوری اے
 نہیں سن دا کوئی کوک میری

عشق دا دھوکہ کھا کے ویکھاں

پھا گلے وچ پا کے ویکھاں
 عشق دا دھوکہ کھا کے ویکھاں
 ہن تک گج نہ کرم کمائے
 کی لکھیا ای ربا لیکھاں
 روح نے مجھے ات مچائی
 میں متھا ہون کیتھے ٹیکاں
 باج تیرے کجھ لگدا انج اے
 ننگے پنڈے گڑیاں میکھاں
 عشق دی سولی چاڑ دتا ای
 میں اکھاں ہن کتھے سیکاں

وچھوڑا

ہُن	وچھوڑا	پے	گیا
میں	کلاں	رہ	گیا
او	ہنس	کے	گیا
میں	کلا	روندا	رہ گیا

گنجبل

گنجبل سارے کڈ گیا ایں
 تو تے سانوں جھڈ گیا ایں
 تیر تلواری دی لوڑ نہ پئی اے
 گلاں نال ای وڈ گیا ایں

تھک گئی آں

پاٹے دھو کے تھک گئی آں
 کپڑے دھونے باقی نہیں
 اک رونا ہووے تے دساں
 کنے رونے باقی نہیں
 گوڈے گٹے رہ گئے نہیں
 دیدے کن وی رہ گئے نہیں
 باواں دے وچ زور نہیں
 میرے نال کوئی ہور نہیں

سچے لوگ

سچے لوگ دی اوکھے ہوندے
 چڑھ دے شوق وی دھوکے ہوندے
 جے کر یار نظر کر لیندا
 ساڈے جے وی سوکھے ہوندے
 پانی لوکی بھر بھر پیندے
 کھواں دے اسی بوکے ہوندے

رنگ جاواں

تیرے عشق دے رنگ وچ رنگ جاواں
میں پل صراط وی لنگ جاواں

عشق دا عین

عشق دا عین سمجھ نہ آوے
 شین عشق دا شک وچ پاوے
 قاف عشق دا کول بلاوے
 ہجر دا موسم ترلے پاوے
 وصل دا ویلا لنگ دا جاوے

نہماں نہماں ہنس وے

نہماں نہماں ہنس وے
 بلیاں اُتے سِک وے
 اکھ میچ کے ساہنوں تک وے

جھوٹ دا سودا

جھوٹ دا سودا لانا کی اے
 گھائے وچ کمانا کی اے

اکھاں دے غلافاں وچ

اکھاں دے غلافاں وچ کج کے میں رکھاں گا
 فیر تینوں سوہنیاں رنج کے میں تکاں گا

اے وِس بڑا بے وِس

اے وِس بڑا بے وِس
 کہ وِس نہیں چلدا اے
 میں کی کراں مینوں وِس
 کہ وِس نہیں چلدا اے
 اک واری مڑ کے ہس
 کہ وِس نہیں چلدا اے
 سانوں چڑھی عشق دی گس
 کہ وِس نہیں چلدا اے
 کدی ساڈے نال وی وِس
 کہ وِس نہیں چلدا اے
 مری ہو گئی اے ہن بس
 کہ وِس نہیں چلدا اے

شاہ عنایتؒ دادر

شاہ عنایتؒ دے درتے
 بہہ کے لکیاں گج میں لیکاں
 پلے میرے امر نہ کوئی
 نکل پیاں نے چیرکاں
 حشر دیہاڑے دوزخ سڑساں
 پنڈے لگ سن سبھاں
 شاہ عنایتؒ ہتھ تو پھڑلے
 تینوں کلیاں بیٹھ اڈیکاں
 گج تے بول مرشد سائیاں
 کر آسان تریخاں
 لکھ ہزار میں عیب میرے وج
 کر کرم دیاں چھاواں
 بلھا وارث تیرے ہوئے
 ہن میریاں پھڑلے باواں

ساڑھ کے کولا کر چھڑیا ای

ساڑھ کے کولا کر چھڑیا ای
 اے کی ڈھولا کر چھڑیا ای
 سرے وانگ ساں اکھ وچ رہندے
 نکھوں ہولا کر چھڑیا ای
 جد دا ٹر پر دیس گیا ایس
 گھر اے کھولا کر چھڑیا ای
 تکڑی تول کے بچا ساہنوں
 سیر تو تولا کر چھڑیا ای
 عشق حقیقی امین تو کر کے
 گھر گھر رولا کر چھڑیا ای

مدینے دیاں گلیاں

لوکاں تے مدینے دیاں گلیاں نیں تگیاں
 اساں تے مدینے والا آپ اکھیں تکیا
 غماں والی پونجی میرے ہتھ دچوں لے کے
 خوشیاں دا تاج میرے سر اُتے رکھیا

پہلی ملاقات

پہلی ملاقات ہووے
 گندلاں داساگ ہووے
 مکھن تے مکئی ہووے
 نمی نمی ہوا وے
 جدوں گل بات ہووے
 شکر دو پہر ہووے
 نم تھلے منی ہووے
 گاں کلے بجی ہووے
 کنورے دچ لسی ہووے
 عمراں داسا تھ ہووے
 کوٹو چکی کرے
 ٹنڈاں والا کھوہ ہووے
 روح دچ روح ہووے
 پتاوی نہ لگے ساہنوں
 تاریاں دی رات ہووے

فیر گل بات ہووے
 کھیریاں نو مات ہووے
 اکو جئی ذات ہووے
 کن وچ والی ہووے
 گلاں اُتے لالی ہووے
 متھے اُتے بندی ہووے
 نک وچ نتھ ہووے
 ہتھاں وچ ہتھ ہووے
 بے داویاہ ہووے
 وارث گواہ ہووے
 عنایت دُعا کرے
 جک واہ واہ کرے
 پہلی ملاقات ہووے
 گندلاں داساگ ہووے

آخر اک دن مرجانا اے

آخر اک دن مرجانا اے
 سانول نے وی مرجانا اے
 ساری عمر گناہ کمائے
 جھوٹ دے لیرے تن تے پائے
 عمل نہ کوئی سچے ہوئے
 نیک نہ کوئی بچے ہوئے
 قبر عذاب دے وچ جانا اے
 سپاں سانوں کھا جانا اے
 لوکاں پانے نہ کنجا ہی
 کوئی نہ اپنا بہن تے بھائی
 کلیاں برزخ وچ جانا اے
 جیہڑا رب دا او تھا نہ اے
 ہو رے کئی صدیاں او تھے
 تفتیش ہووے گی
 حشر دیھاڑے رب دے اُگے

پیش ہووے گی
 پونجی عملاں والی میری
 گنڈے دے دے وچ رکھ کے
 رب دے آگے پیش ہووے گی
 خیر تے شردی رلیں ہووے گی

میں رُٹھڑے یار منانے نے
میں پیروچ گھنگھر وپانے نے

-0-0--0-0--0-0-

کلے کو ٹھے والے اپنے
ویہڑے دے وچ نچن دے
اگ عشق دی میرے سینے لگن دے

-0-0--0-0--0-0-

کشلول میرے دے وچ سائیں
کچھ سچ دے سکے سٹ سائیں

-0-0--0-0--0-0-

نساڈی واری گل نہیں سن دی
لوکاں دے نال پھرو دی ٹردی

-0-0--0-0--0-0-

مدینے میں وی جاناں اے
تے واپس فیر نہیں آناں اے

-0-0--0-0--0-0-

ڈر

مینوں اپنے آپ توں کیوں ڈر لگدا اے؟
 واواں دی چپ چاپ توں کیوں ڈر لگدا اے؟
 چار پھیرے میرے زندہ لاشاں نیں
 مرے ہوئے مینوں باپ توں کیوں ڈر لگدا اے؟
 پتارنگ دا ہاتھ وچ کوئی وی چنگا نہیں
 دو جے دی فیر ٹھاپ توں کیوں ڈر لگدا اے؟
 جے حشر دیہاڑے رب نے وی منہ پھیر لیا
 اسے گل دی چاپ توں کیوں ڈر لگدا اے؟

سگریٹ

بہہ کے سگریٹ پیندے ساں
 اک دو جے نال جیندے ساں
 پھٹ سی جیہڑے لگے ہوئے
 دوویں بہہ کے سیندے ساں

چڑیا بول پیاں

جن چڑھیارت مرجھائی
 تینوں میری یاد نہ آئی
 وے چڑیا بول پیاں
 مراہور نا کوئی سائیں
 سانوں کلیاں متحد نہ جائیں
 وے چڑیا بول پیاں
 میرے چار پھیرے ہا سے
 او گیا ٹر کر کے پا سے
 وے چڑیاں بول پیاں
 پھیرا وطنوں ول توں پائیں
 بن جاویں نہ تو ہر جائی
 وے چڑیا بول پیاں

پٹولے

نہ رہے پٹولے بابل
 تے ناں رہیاں نے گڈیاں
 کڈا سوہنا ویلا سی او
 پاندی ساں سکھیاں نال لڈیاں
 ویڑے دے وچ بہہ جان دے ساں
 سارے چڑھا ڈاہ کے
 اجڑ گیا او ویڑا ساڈا
 نہ رہیاں او بڈھیاں

لائی بلھے دے سنگ یاری
 کچھ گئی اندروں آکڑ ساری

--0-0--0-0--0-0--

سوہنے لوگ

ایہنے سوہنے لوگ وی چنگے نہیں ہوندے
 دل دے بھیڑے شوق وی چنگے نہیں ہوندے
 اکوراہ ہی پیار وی چنگی ہوندی اے
 دل وچ بوہتے چوک وی چنگے نہیں ہوندے

-0-0--0-0--0-0-

اپنا آپ گوا بیٹھے آں

اپنا آپ گوا بیٹھے آں
 یار توں تو کھا کھا بیٹھے آں
 جتھوں کوئی خیر نہیں لبی
 اوہدے درتے جا بیٹھے آں
 ساری عمر حسد و جگ زری
 ہو کے اج تباہ بیٹھے آں
 جینے دی اک حد ہوندی اے
 اسی او حد مکا بیٹھے آں

ہجر و چھوڑا مکدا نہیں

ہجر و چھوڑا مکدا نہیں
 غصہ تینوں مکدا نہیں
 جس رُکھ تے کوئی پھل نہ لگے
 اور کھ کدی جھکدا نہیں
 جس پنڈے توں جھمکا ماریں
 او پنڈا کدی دکھدا نہیں
 عشق پچھال لے روح دے اندر
 روکنے نال او رُکدا نہیں
 واہ واہ بھلے کھیڈر چایا ای
 سانوں تے کوئی تکدا نہیں

دنیا داری

اے اوکھی دنیا داری اے
 ہن مرنے دی تیاری اے
 جتھے چشمہ فیض دا جاری اے
 ہن او تھے عرضی طاری اے
 کوئی چھوٹی جی اے مات نہیں
 اساں بازی عشق دی ہاری اے
 نہ شاہ عنایت نہ وارث اے
 نہ بلھے شاہ قصوری اے
 اے اوکھی دنیا داری اے

اکھیاں

اکھیاں دے وچ اکھیاں پا کے دیکھاں گے
 اگ عشق دی اندر لا کے دیکھاں گے
 سارے کیمندے رب دلاں وچ وسدا اے
 ہن اسی نہ کعبہ جا کے دیکھاں گے
 عشق مسیتی پٹی لے کے بہہ گئے آں
 دل دے اندر یار بلا کے دیکھاں گے
 عشق دا پنیڈا سب تو اوکھا پنیڈا اے
 کمر اُتے مٹھل سجا کے دیکھاں گے

اے دنیاوسوں بار

اے دنیاوسوں بار
 توں جت تے میں واں ہار
 کئی بھٹکھے کئی زردار
 ایتھے چور نے سب کردار
 گولی دیندے نے ہر وار
 اے دنیاوسوں بار
 ساری کوڑ بھری سرکار
 کردے ظلم نے وچ بازار
 اے دُنیاوسوں بار
 جینے دے دن چار
 دوا دکھے دو بے کار
 اے دُنیاوسوں بار
 نہیں وچ مستی پھوڑ
 ہوئے ربوں سارے دُور
 اے دُنیاوسوں بار

اٹی دے کے دُنیا وٹی
 اے کہو جی کھٹی
 چل امینا چلے ایتھوں
 چکے اپنی ہٹی

-0-0--0-0--0-0-

مرے لوں لوں دے وچ چیکاں نے
 مینوں تیریاں یار اڈیکاں نے
 میرے ویری نال مینو مار سکے
 مینوں مار یارل شریکاں نے
 میں مڑ مڑ تھہ پیار پڑھناں واں
 ترے ناں دیاں کتھے لیکاں نے

چاٹی وچ مدہانی اوکھی
 دل دی میل مکانی اوکھی
 اکھی پچے لڑ جان دے نے
 لا کے توڑ بھانی اوکھی

-0-0--0-0--0-0-

درد وٹڈانے اوکھے نے
 چار پھیرے توکھے نے
 اندروں کوئی وی چنگا نہیں
 جد بولن مارن ٹوکے نے

میں مٹی اودنور
میں موسیٰ اودنور

-0-0--0-0--0-0-

میں خواب گواچے لبد اداں
مٹی وچ مٹی دب داواں

-0-0--0-0--0-0-

منجی کلی ڈاہ دتی سو
تھر تھلی جی پادتی سو

سپ سے داؤنگ جاناں اے
 اوکھا ویلا نگھ جاناں اے
 مینوں کلیاں جھڈ نہ جاویں
 میں ویں تیرے سنگ جاناں اے

-0-0--0-0--0-0-

اکھیاں دے وچ ہڑ لوکایا
 چین کسے وی پل ناں پایا
 ہجر وچھوڑ اچھپیاں پاوے
 ملن دا ویلا پر نہ آیا

-0-0--0-0--0-0-

چاہ

جسے وچ واوے
 جانا کہڑے راہ وے
 دل اے ہو کر دا
 کراں تینوں چاہ وے
 ڈرتیوں کس دا
 راضی وی خدا اے
 ہتھ میرا پھڑلے
 منگاں میں دُعا وے
 کنجراں دے گھر آج
 بھلے داویا وے

جتے دے دوج سا اے تیرا
 اکھیاں تلن راہ اے تیرا
 کول میں بہہ کے اکھناں جھپکاں
 دیکھن دامنوں چا اے تیرا

-0-0--0-0--0-0-

دل دا بوہا

کدی تے بوہا کھول فی اڑیے
 کدی تے بوہا کھول فی اڑیے
 کدی تے بوہا کھول
 نہ تو ساہنوں رول فی اڑیے
 کدی تے بوہا کھول
 مٹھے مٹھے بول فی اڑیے
 منہ تو اپنے بول فی اڑیے
 کدی تے بوہا کھول فی اڑیے
 درتے تیرے آن کھلوتے
 دل دا لے کھکھول فی اڑیے
 کدی تے بوہا کھول فی اڑیے
 کدی تے بوہا کھول فی اڑیے
 عشق دے دردنوں رد نہ کردئیں
 عشق دے درتے یار بٹھا کے
 اپنے مونہوں بول فی اڑیے
 کدی تے بوہا کھول فی اڑیے

آیا تیرے بوہے اڑیے
 تیرے دل دا ڈھول نی اڑیے
 کدی تے بوہا کھول نی اڑیے
 ڈیگر ہو گئی ہن عمر دی
 کوئی تے ہووے کول نی اڑیے
 کدی تے بوہا کھول نی اڑیے
 کدی تے بوہا کھول نی اڑیے
 نہ کر کھجل تو اسسا ہنوں
 نہ سڑکاں تے رول نی اڑیے
 دل دا بوہا کھول نی اڑیے
 دل دے اندر چار پھیرے
 اکو وچ دا ڈھول نی اڑیے
 کدی تے بوہا کھول نی اڑیے
 عمر دی نقدی مکدی جاوے
 اے ویلا انمول نی اڑیے
 کدی تے بوہا کھول نی اڑیے

گل او ہدی وی منی اے
میں آکڑ اپنی پنی اے

--0-0--0-0--0-0--

جھڈ دے کرنے وہم تو سارے
بند کر بو ہے شک دے
جہناں دے اعمال کھرے ہون
اونہیں کدی وی موت تو ڈر دے

-0-0--0-0--0-0--

کھوٹ

ہر پاسے امی کھوٹ اے وکدا
 سچ نہیں لہدا سوکھا ہے
 دے امیتاں اک گل سمجھیں
 کھانہ جاویں تو کھاوے

-0-0--0-0--0-0-

سچی گل

سچی گل نوں مند انھیں
 یار دابو ہا بھن دانھیں
 رب نے عشق لباس بنایا
 جیہو امیر اتن دانھیں
 وچوں وچ ای کھر داجاوے
 منہ تے آکے من دانھیں
 جیہدے پچھے عمر گوائی
 اوتے میرا بن دانھیں

-0-0--0-0--0-0-

چپ چپے مر جاواں گے
 آخر اپنے گھر جاواں گے
 کچھ پنڈے عشق سمایا
 اوکھا پنڈا سر جاواں گے
 عشق دی سٹاں لا بیٹھے آں
 جتے ناتے ہر جاواں گے

-0-0--0-0--0-0-

جینا ہن عذاب اے لگدا
 اکھاں وچ چناب اے وگدا

-0-0--0-0--0-0-

سمندر

تر بدن سمندر

میری روح دے اندر

میں پڑھاں نمازاں

ترے دل دے مندر

-0-0--0-0--0-0-

موسم

ہجر وصال داموسم
 بڑے کمال داموسم
 میری اوقات توں باہر
 ترے جمال داموسم
 کدی تے ختم ہووے گا
 اے ماہ و سال داموسم
 اے جی وی یاد اے مینوں
 او پچھلے سال داموسم

-0-0--0-0--0-0-

جھڈ کے اپنا گھر گیا واں
 سب کچھ اپنا ہار گیا واں
 آپ چناوچ ڈُب کے یارو
 فر عشق دے پار گیا واں
 جیون دا اے پینڈا اوکھا
 فیروی بازی مار گیاں واں
 یاری دا کوئی مُل نہیں ہوندا
 چپ چپتے ہار گیا واں

-0-0--0-0--0-0-

وچھوڑا پے گیا
 میں کلارہ گیا
 اوہ ہنس کے فر گیا
 میں روندارہ گیا

-0-0--0-0--0-0-

ہرپا سے شام داڈیرا اے
 اج پنجھامیر او بیڑا اے
 جہڑا مینوں تھروچ رول گیا
 کی دسا او کون او کیڑا اے

-0-0--0-0--0-0-

درد رتے میں دھکے کھاواں
 اکھیاں دے وچ خواب چھپاواں
 کدی جے میرے کول توں آویں
 آپ وی روواں، تینوں روواواں

-0-0--0-0--0-0-

میری کچھ مجبوری اے
 تکلناں خواب ضروری اے
 ساواں داوی مک گیا پینڈا
 مرنا ہن ضروری اے

-0-0--0-0--0-0-

سزا

عشق کرنا سزا بن گیا
 سارا جگ میرے لئی اے خدا بن گیا
 زخم لائے اُوہنے جیڑے
 ہنس کے ملیا تے میری دوا بن گیا
 نہیں مکداو چھوڑا ترے ہجر دا
 پورا جہاں میرا دُعا بن گیا
 پہلی پیشی تے میں شکلیا گیا
 یار میرا مخالف گواہ بن گیا

-0-0--0-0--0-0-

ساڈی عید کیہڑی شبرات کیہڑی
 ساڈا دن کیہڑا ساڈی رات کیہڑی
 جے توں نہیں ملنا سانوں دس دیویں
 ساڈی جت کیہڑی ساڈی مات کیہڑی

-0-0--0-0--0-0-

گل تے کوئی چنگی نہیں اے
 اک وی اوہنے مٹنی نہیں اے

-0-0--0-0--0-0-

دیکھو کیوں مرنے والے
کوئی تے بہانا بننا لے

-0-0--0-0--0-0-

منوں جھپتی مدینے وچ بلا لویا رسول اللہ
میرے ساداں دی کنتی ہولی ہولی گھٹ دی جاندی لے

-0-0--0-0--0-0-

بکل مار سویرے سوتا
رات داجا گیا کتا
وہ تو فتح جے دیوے
راتی میں وی اٹھاں

-0-0--0-0--0-0-

کج ملن دا ویلا نیڑے وے
کج یار اوہ دل دے ویہڑے وے

-0-0--0-0--0-0-

جد پیو کر داسی میرے نال لاڈیاں
میں وی ضد اں کر داساں اوہدے نال ڈاہڈیاں

-0-0--0-0--0-0-

ساری عمر گوا بیٹھا آں
سکھ دا کوئی پل نہیں آیا

-0-0--0-0--0-0-

چھل

کوئی وی سانوں چھل نہیں آیا
 جینے دا کوئی ول نہیں آیا
 ساری عمر گوا بیٹھا آں
 سکھ دا کوئی پل نہیں آیا
 روز اوکھیندا، کل ملاں گے
 اج تک اوہدا کل نہیں آیا

-0-0--0-0--0-0-

اپنے رنگ وچ رنگ لے مینوں
 جتھے جاویں سنگ لے مینوں
 ہولی ہولی مردا جاواں
 اکو داری ڈنگ لے مینوں
 ہو رے مرضی رب دی کی اے
 مرناں جاواں منگ لے مینوں

-0-0--0-0--0-0-

معافی لکھ کے جیب وچ رکھی
 ہو رے کس ویلے منگنی پے جائے

-0-0--0-0--0-0-

دھڑ کے دل تے رو پیناواں
کوئی حال جے پوچھے کھوپیناواں

-0-0--0-0--0-0-

عجب تماشا لا بیٹھاواں
نواں سیا پاپا بیٹھاواں

-0-0--0-0--0-0-

جد تک تراغم نہیں مکنائ
اکھیاں وچوں نم نہیں سکناں

-0-0--0-0--0-0-

بندے سارے منجرے اندر
پنچھی سارے باہر
رب سچے نے لوکاں دتی کئی وڈی ہار

-0-0--0-0--0-0-

ہار

اسی ہنس دے دے دسدے ہار گئے
 ساڈے یاروی سانوں مار گئے
 ساڈے اپنے سانوں پل بیٹھے
 جدا اسی ساں اپنے گھر گئے
 کئی منٹاں من من تھک گئے آں
 اسی شہر دے ہر دربار گئے
 ہن ویلا مکن والا اے
 اسی لڑا اندروں ہار گئے
 نہ اپنا آپ بچا پائے
 کئی لوکی ڈبدے تار گئے
 جد حق دی گل سنائی تے
 فرسیدھے گھرتوں دار گئے
 اسی میلے بن کے سٹے ساں
 ساہنوں اپنے قبر اتار گئے

مٹی دے بُت

دو مٹی دے بت بناواں
 بڑیاں چاواں نال
 فیر میں بھن دیاں دونواں نوں
 اپنے ہتھاں نال
 فیر میں دوواں وچوں لے کے
 مٹی کنا وصل دے پانی نال
 فیر اک نیواں بت بناواں
 بڑیاں رینجاں نال
 جس وچ ہجر فراق دا
 کوئی ناں ہووے وال
 حشر تائیں اسی اک مک رہے
 رب دی مرضی نال

ورد

کچھ ایسا ورد توں پڑھ سائیاں
 میری مشکل ہو جائے حل سائیاں
 ناں ایویں گرج توں ساڈے تے
 کوئی خیر دابدل کھل سائیاں
 سانوں بخش دئیں توں محشر وچ
 ناں چکی وچ توں دل سائیاں

-0-0--0-0--0-0-

یار

یار میرا روح دیاں
 تاراں ورگا
 سا اولوے دل
 دھڑ کے میرا
 میں وی اوہدی
 روح ورگاواں
 اوہنوں پُچھے جا کے کیہڑا؟؟؟

کتا

کاش میں تیرے گھر دا کتا ہوندا

کول تیرے میں رہندا ہوندا

جو کچھ دیندی کھا میں لیندا

جد توں گھرتوں باہر جاندی

گھر تیرے دی را کھی کردا

ناں میں منگ دا۔ ٹکروٹی

ناں میں منگ دا کپڑا اتا

وفاداری دی حد میں کردا

چٹ دا پیر تیرے میں یارا

دم ہلاندا اگے پچھے چکر لانددا

انساناں وانگ دغانہ کردا

سچے مالک دے کہنے تے

تیرے گھر دی را کھی کردا

فیروی لوکی گھنیا کیہندے

پر میں تیرا درناں جھڈدا

کاش میں تیرا کتا ہوندا

اپنی نفی

کی مسجد مندر جانا ای
 کر صاف توں اپنے اندرون
 کر اپنی آپ نفی پہلے
 فیر انگل چکیں دو جے تے
 اک جھاتی پالے اپنے ول
 اے ویلا مڑ نہیں آنا ای
 ناں کم کوئی رکھیں کل تے توں

--0-0--0-0--0-0--

موڑ

حیاتی دے سارے موڑ سن اوکھے

جد میرا پیٹھ اسو کھا ہویا

سینے دے وچ ساہن اوکھے

جیہناں اُتے سی بھروسا

اوہناں کولوں کھا دے دھوکے

-0-0--0-0--0-0-

روناں

ہولی ہولی چھپ کے روناں
 دوائی رکھ سرہانے سوناں
 بچے وانگ پرندیاں اڑ گئے
 مائی باپ نوں کلیاں جھڈ گئے
 بھیج دے نے وٹس اپ تے ویڈیو
 کہندے نے نہ فکر کرو کج
 آجاواں گے چھیتی گھرنوں
 جھوٹے لارے لا جھڈ دے نے
 وچ اووچی وڈ جھڈ دے نے
 رُکھ توں جمیڑ اڈ جاند اے
 او پنچھی مر نہیں آند اے
 وقت دے ہتھیں رل جاند اے
 بچیاں وچ او بھل جاند اے

اوہدے وی کوئی ماں پیوسن
 جیہناں اوہنوں دودھ پلایا
 چولی چکیاں موٹڑھے بٹھایا
 دُنیا دا فیر علم سکھایا
 بڈھے ویلے ساتھ دیوے گا
 دکھاں نوں او مات دیوے گا
 حیدرے جی او گھر نہ آیا
 بس قبر وچ لاہن او کلیاں آیا
 نا کوئی پتر نال لیا یا
 ناں دا دے دامنہ دکھایا
 چپ چپے آن کھلوتا
 روند اسی او سب تو بوہتا

سجرے پھل تے
 کنڈے جیویں کٹھے رہندے نیں
 جی کر دالے اسی وی دونویں
 انج ای ریپے

-0-0--0-0--0-0-

کیویں ٹٹن چپ دے تالے
 ویکھ زبان تے پے گئے چھالے
 جیویں اماں لاڈ لڈائے
 روگ اساں وی انج نیں پالے

-0-0--0-0--0-0-

کوئی ایسی شے سونگھا ماہیا
میں اکھ کھولاں، اکھ کھلے ناں

-0-0--0-0--0-0-

روح دا چولا

ربا کی کج ہوناں اے
 روح دا چولا دھوناں اے
 یار نے جدناں شکل دکھائی
 کلایاں بہہ کے روناں اے
 دل دا خالی کا سہ لے کے
 درد رتے فیر پوناں اے
 دنیا داری دھوکا ڈاڈا
 جانے کی کی کھوناں اے

-0-0--0-0--0-0-

ہنجوں دی تسی پڑھ پڑھ کے
 اسی یارناں راضی کر پائے
 جس پیار تے کیتا مان بڑا
 او پیارناں راضی کر پائے
 ساڈی قسمت ای بد قسمت سی
 اسی یارناں راضی کر پائے

-0-0--0-0--0-0-

میں ٹٹ گیا میں بچ گیا
 ایس جینے توں میں رج گیا

-0-0--0-0--0-0-

قیمت

ہر سادہ دی اپنی قیمت اے
 جداے روکیاں سب خاک ہو یا
 دل چاک ہو یا
 سب پاک ہو یاں
 تو وہ زخم لگا بجن
 دل ہجراں دے وچ تاک ہو یا
 سب خاک ہو یا

-0-0--0-0--0-0-

دل دا کا سا

دل دا کا سا خالی اتوں
 کون بھرے گا عشق نوں
 ہجر دی اک داساڑ بڑا دے
 ہنجو گیزاں دل توں
 لوکاں پانے میں شدائی
 کلاں میں اک پاسے خدائی
 سہی ناں جائے اے جدائی
 چارہ خیرے پٹا دہائی
 ناں کسے نوں سمجھ اے آئی
 لڑپے ماں جائے
 اک پل وچ سارے
 جد قبر وچ لائی
 جگ وچ کوئی نہ یار کسے دا
 نہ کوئی پہن تے پائی
 اے گل مینوں سمجھ جدائی
 مک گئی عمر کمائی

عرضی

جے کریا قبول کرے تے
 اساں وی عرضی تاری اے
 ہر شے دے وچ نور اے اوہدا
 ہر شے تے او بھاری اے
 مٹی دے وچ پھوک سوماری
 فیراں پئی خلقت ساری اے
 خیر تے شر دے دنگل اندر
 شر نے بازی ہاری اے
 جھوٹے مرشد جھوٹے پیر
 جھوٹی دنیا داری اے
 اکو مرشد اکو پیر
 جدی دنیا ساری اے

دل دے اندر زخم بڑے نے
 کون تو پے لائے
 ہجر سیا پالمبا ہویا
 یار ملن نہ آئے
 ہتھ جوڑے میں تر لے پائے
 کوئی تے سینے لائے

-0-0--0-0--0-0-

چار پھیرے دھند دکھان دی
 سکھ دی دھپ نظر نہ آئے
 اے چانن بکل ماری
 کڈلئی جان زمانے

-0-0--0-0--0-0-

مٹے بچے خواب نے دیکھے
اکھیاں وچ عذاب نے دیکھے

-0-0--0-0--0-0-

مٹی دے وچ مٹی ہوسی
مٹی خلقت ساری اے

-0-0--0-0--0-0-

عشق ندی

عشق ندی توں تو لے کے پانی
 سب تو پہلے تیرے ناں دے فرض پڑھاں گا
 غیر متھے نوں فیک فرش تے
 رب دے اگے عرض کراں گا
 سچیاں سائیاں
 ساڈی سن لے
 یار ترے توں منگیاں اے میں
 کاساں دل دا بھر دے ربا
 جے کرمل پین دو شدائی
 کی جاندا اے تیرا ربا؟
 کچھ وی فرق نہیں پوے گا
 قائم روے گی تیری خدائی

کلم کلے

کلم کلے رہ گئے آں
 لک چھپ کے ہن بہہ گئے آں
 تیرے بجز وچ رب دے اگے
 ہتھ چک کے اسیں ٹہہ گئے آں
 سنیا اے کے اوہ وی انج نہیں
 اسیں تے بیٹھے رہ گئے آں
 اس درنوں ہن میں نہیں جھڈنا
 دردے اگے بہہ گئے آں

قضا

یار قضا کر بیٹھاواں
 بھر سزا کر بیٹھاواں
 ہتھی لا کے تالا دل نوں
 رنج خدا کر بیٹھاواں
 وقت نے مڑ کے فیر نہیں آؤتا
 لکھ دعا کر بیٹھاواں
 بس اک پل ای اکھی لگی
 گھر فنا کر بیٹھا آں

-0-0--0-0--0-0-

ٹھنڈی چھاں

کدی ماں وی ہندی سی
 ٹھنڈی چھاں وی ہندی سی
 کدی ہاں وی ہندی سی
 کدی ناں وی ہندی سی

ڈوہنگی گل



امین کنجاہی پنجابی شاعری دے حوالے نال اک نویلکی پہچان رکھدے
نیں۔ کنجاہ داناں جدوں وی ذہن وچ آندا اے اک پوری ادبی روایت
سامنے آکھلندی اے، کنجاہ وچ جمن تے ایدہیہ نال جڑت رکھن آلیاں
ہستیاں پوری دنیا وچ چنگاں نال کماں چکیاں نہیں۔ دھرتی دے کجھ
کٹڑے اوچھی وڈیائی آلے ہوندے نہیں اوہناں وچ نور، علم تے ادب
دے بہوں خاص ذرے لگے ہوندے نہیں جیہڑے لوکاں دے دھیان
دی واج دیندے نہیں۔ پر تخلیق کارانوں زور نال اپنے دل کھچدے نہیں
۔ دوجے اکھراں وچ لکھاریاں فنکاراں دی کھچ تے جڑت بہوں
دھرتی تے پیڑی ہندی اے۔

امین کنجاہی اک ہر فن مولابندہ اے جیہدے اکھراں، آواز تے انداز وچ رب نے چنگی برکت تے تاثیر رکھی اے۔ اوہ بہوں
سوخی کپیٹیرنگ، ریڈیو تے ٹی وی پروگرام کردا اے۔ ادبی تے ثقافتی تقریبات وچ رات تے اوہناں دا پر بندھ کرنا وی اوہدے روزنامے
وچ شامل اے۔

میں جدوں اوہناں دی شاعری پڑھنی آں تے شش ہونی آں کہ اوہ بہوں سہولت نال بہوں سوہنے شعر کہندے نہیں۔ اوہناں
دے شعراں وچ گیت نگاری دا گوڑا رنگ تھلکدا اے، ادبیاں دی غزل وچ اپنا رچاؤ تے ترنم اے کہ اوہ گیت دے نیڑے نیڑے
دس دی اے۔

اکھراں، مفہوم تے سبھے نوں ٹکھہ رکھ کے ادھار دیر دا کہتا جائے تے امین کنجاہی دی شاعری وڈی شاعری اکھواندی اے۔ شاعری
دا اک کچھ سنبھاپایاں شعری جمال اے جے اوہ نہ ہووے تے شاعری رکھی جیہی لکست بن چاندی اے۔ شعری جمال یاں شعریت شعراں
نوں چوکھاؤ اثر بناندے نہیں۔ امین کنجاہی دی شاعری وچ ایہہ دونوں شیواں موجود نہیں۔ اوہ ڈوہنگی گل دی کردے نہیں تے سوہنا انداز وہ
رکھدے نہیں۔ میں اوہناں دے شعری سفر دے حوالے نال دعا کردی آں کہ اوہناں دی کتاب ”اکلاپا“ لوکاں دے دل تیکر اپڑے۔
میںوں تے اوہناں دا ہر شعر دل تیکر اپڑا جا پدا اے۔۔۔۔۔ رب راکھا۔۔۔۔۔

ڈاکٹر صفی صدف

مکتبہ پاک ادب